

Suada Alić-Mešanović
Ovlašteni aktuar
Po Rješenju Agencije za nadzor osiguranja FBiH
Broj: 1.0.-021-119/08, od 01.02.2008.
Pod brojem: A 7

Naziv društva: *Central osiguranje d.d.*

Sjedište društva: *Džemala Bijedića 39, Sarajevo*

Oblik organizovanja: *Dioničko društvo*

Broj Rješenja za izdavanje odobrenja za rad: *1.0.-059-631/16 od 10.05.2016. – poslovi neživotnog osiguranja: 10 osiguranje od odgovornosti za motorna vozila*

1.0.-059-1808-1/16 od 19.08.2016.

– proširenje djelatnosti društvima neživotnog osiguranja: 01 osiguranje nezgoda, 02 zdravstveno osiguranje, 03 osiguranje cestovnih vozila, 04 osiguranje tračnih vozila, 05 osiguranje zračnih letjelica, 06 osiguranje plovila, 07 osiguranje robe u prevozu, 08 osiguranje imovine od požara i prirodnih sila, 11 osiguranje od civilne odgovornosti za zračne letjelice, 12 osiguranje od civilne odgovornosti za plovila, 13 osiguranje od opšte civilne odgovornosti, 14 osiguranje kredita, 15 osiguranje jemstva, 16 osiguranje od različitih finansijskih gubitaka, 18 osiguranje pomoći

MBS: *65-02-0002-16*

Broj Rješenja o upisu u sudski registar: *065-0-Reg-16-002081 od 27.05.2016.*

Identifikacioni broj Društva: *4202233240008*

Ovlaštene osobe za zastupanje:

Hamid Milak – Direktor Društva

Željko Pervan – Izvršni direktor Društva

Osnove po kojim se daje mišljenje: *Član 109. i Član 118. Zakona o osiguranju („Sl. novine FBiH“ br. 23/17) i Pravilnika o uslovima za sticanje i provjeru stručnih znanja potrebnih za obavljanje poslova ovlaštenog aktuara („Sl. novine FBiH“ br. 106/18)*

**MIŠLJENJE OVLAŠTENOG AKTUARA
O FINANSIJSKIM IZVJEŠTAJIMA I GODIŠNJEM IZVJEŠTAJU O POSLOVANJU
DRUŠTVA CENTRAL OSIGURANJE d.d.
ZA 2020. GODINU**

1. Kontrola primjene akata poslovne politike Društva

Društvo se u svom poslovanju pridržava usvojenih poslovnih akata:

- a) Plana poslovanja,*
- b) Opštih i posebnih uslova osiguranja i tarifa premija,*
- c) Ugovora o reosiguranju,*
- d) Internih akata poslovne politike,*
- e) Eksternih akata – zakonâ i podzakonskih akata koji se odnose na poslove osiguranja.*

2. Izvještaj o margini solventnosti iz poslova neživotnih osiguranja na dan 31.12.2020. godine

Margina solventnosti Društva iz poslova neživotnih osiguranja izračunata po premiji u skladu sa Pravilnikom o elementima i kontroli margine solventnosti („Službene novine FBiH“, br. 82/17) i Pravilnika o izmjenama Pravilnika o elementima i kontroli margine solventnosti („Službene novine FBiH“, br. 95/19) na dan 31.12.2020. godine iznosi 6.486.784KM što je veća za 12,24% u odnosu na 31.12.2019. godine kada je margina solventnosti iznosila 5.779.263KM.

Kapital Društva iz Člana 3. Pravilnika o elementima i kontroli margine solventnosti, koji na 31.12.2020. godine iznosi 7.108.800KM, mora biti najmanje jednak:

- 1. Margini solventnosti izračunatoj na osnovu Člana 10. Pravilnika koji iznosi 6.486.784KM,*
- 2. Minimalnog iznosa garantnog fonda propisanog odredbama Člana 73. Zakona o osiguranju tj. 4.000.000KM.*

Iz navedenog se vidi da Društvo iz poslova neživotnih osiguranja ispunjava uslov iz Člana 11. spomenutog Pravilnika i da kvota solventnosti iznosi 110%.

Vidno je na osnovu obrasca 2U-K-F da je Društvo iznos u vrijednosti 2.000.000KM, koji čini 50% minimalnog garantnog fonda, propisanog Članom 73. Zakona o osiguranju, a u vezi s vrstom posla koje Društvo obavlja, uložilo u oročeni depozit kod banke i na taj način ispunilo uslov iz Člana 31. Pravilnika o visini i načinu ulaganja sredstava („Službene novine FBiH“, br. 95/19). Ostala imovina u koju je Društvo uložilo sredstva garantnog fonda, u iznosu 7.809.153KM, su:

- a) nekretnine u vrijednosti 2.246.736KM,*
- b) sredstva na računima Društva kod poslovnih banaka u vrijednosti 857.339KM*
- c) izdvojena sredstva u fond Biroa zelene karte BiH u vrijednosti 691.011KM,*

- d) ostala imovina predviđena Pravilnikom o uslovima i načinu deponovanja i ulaganja sredstava društva u iznosu 2.0140405KM.

3. Tehničke rezerve Društva

Društvo je na dan 31.12.2020. godine formiralo slijedeće tehničke rezerve:

- a) Rezerve šteta,
- b) Rezerve za prenosnu premiju,
- c) Rezerve za bonuse i popuste.

a) Rezerve šteta

Rezerva šteta za štete koje su nastale i prijavljene do kraja obračunskog razdoblja, 31.12.2020. godine, a do tog dana nisu riješene, formirana je po vrstama osiguranja, pojedinačnom procjenom za svaku štetu. U ovoj rezervi utvrđena je i rezerva za rentnu štetu iz ugovora o osiguranju vlasnika vozila od odgovornosti za štetu prouzrokovanu trećim licima aktuarskom metodom kao sadašnja vrijednost budućih obaveza. Rezerva za rentu kapitaliziranu na dan 31.12.2020. godine iznosi 438.455KM.

Ovisno o karakteristikama pojedine vrste osiguranja i raspoloživim podacima, konačni iznos rezerve za nastale a neprijavljene štete (IBNR) analiziran je:

- a) Za vrste: 01 – osiguranje od nezgode, 03 – osiguranje cestovnih vozila i 10 – osiguranje od odgovornosti za upotrebu motornih vozila, metodom ulančanih ljestvica,
- b) Za vrste: 02 – osiguranje od nezgode, 08 – osiguranje od požara i elementarnih nepogoda, 13 – ostala osiguranja od odgovornosti, 15 – osiguranje jemstva i 16 – osiguranje raznih finansijskih gubitaka, metodom kvote šteta.

Kod metode ulančanih ljestvica podaci su pretstavljani kao trokut. Podaci o štetama predstavljaju zbir obrađenih odštetnih zahtjeva i promjene rezerve za odštetne zahtjeve tokom poslovne godine (tzv. incurred claims) i podijeljeni su po godini nastanka štete i po razvojnoj godini. Za godinu u kojoj je zaključen posao i u kojoj je osiguratelj bio u riziku je uzeta godina nastanka štete. Broj godina od godine nastanka štete do razvoja štete (run-off) je odgoda, ili razvojni period.

Podaci za utvrđivanje rezerva za nastale, a neprijavljene štete sadrže i podatke o rentnoj šteti, te Društvo nije bilo u obavezi posebno utvrditi rezervu za nastale, a neprijavljene rentne štete.

Osnova za metodu kvote šteta jeste zarađena premija za godine 2016, 2017, 2018, 2019 i 2020, kao i obaveze Društva po sklopljenim ugovorima o osiguranju. Očekivana kvota šteta određena je aktuarskom analizom.

Direktni troškovi obrade šteta u rezervi su sastavni dio rezervi za prijavljene i rezervi za nastale neprijavljene štete.

Visinu indirektnih troškova obrade šteta Društvo utvrđuje kao minimalni iznos od 0,50% od zbira rezervi za prijavljene štete, rezervi za nastale a neprijavljene štete i direktnih troškova obrade šteta u rezervi.

Reosigurateljni dio bruto rezervi šteta određenih vrsta osiguranja Društvo je utvrdilo u skladnu s odredbama ugovora o reosiguranju.

<i>Vrsta osig.</i>	<i>Bruto rezerve za prijavljene štete</i>	<i>Bruto rezerve za nastale a neprijavljene</i>	<i>Udio reosiguranja u rezervacijama</i>	<i>Indirektni troškovi obrade šteta</i>	<i>Rezerve šteta neto od reosiguranja</i>
01	27.738	227.417	0	1.276	256.431
02	0	16.976	0	85	17.061
03	248.181	266.432	218.811	2.573	298.375
08	130.940	61.457	122.017	962	71.342
10	1.803.246	1.447.585	892.455	16.254	2.374.630
13	5.000	5.000	5.000	50	5.050
15	3.180	1.126	0	22	4.328
16	0	5.000	0	25	5.025
Ukupno	2.218.285	2.030.994	1.238.283	21.246	3.032.242

Društvo je izvršilo obračun rezervi šteta u skladu sa važećim propisima i mjerilima i u skladu sa načelima struke osiguranja i aktuarske struke.

b) Rezerve za prenosnu premiju

Društvo je obračunalo prenosnu premiju za slijedeće vrste neživotnih osiguranja:

- 01 - Osiguranje od nezgode
- 02 - Zdravstveno osiguranje
- 03 - Osiguranje cestovnih vozila izuzev vozila na tračnicama
- 08 - Osiguranje od požara i elementarnih nepogoda
- 10 - Osiguranje od odgovornosti za upotrebu motornih vozila
- 12 - Osiguranje od odgovornosti za upotrebu plovila
- 13 - Ostala osiguranja od odgovornosti
- 15 - Osiguranje jemstva
- 16 - Osiguranje raznih finansijskih gubitaka
- 18 - Osiguranje pomoći

Osnovica za obračun bruto prenosne premije je obračunata premija. Portfelj Društva su osiguranja s ravnomjernom raspodjelom rizika u vremenu trajanja osiguranja. Bruto prenosna premija je izračunata po metodi pojedinačnog izračuna za svaki ugovor o osiguranju s tačnim vremenskim razgraničenjem – **pro rata temporis**.

Za osiguranja sa ravnomjernom raspodjelom rizika, bruto prenosna premija se izračunava po obrascu

$$BPP = BP * \frac{d}{dOB},$$

gdje je:

- BPP - bruto prenosna premija
- BP - obračunata premija u obračunskom periodu
- d - broj dana nakon kraja obračunskog razdoblja do kraja trajanja osigurateljnog pokrivača
- dOB - ukupan broja dana trajanja osiguranja

Društvo je vršilo obračun prenosne premije po policama iz sopstvenog portfelja. Ukupna bruto prenosna premija u iznosu od 19.304.921KM učestvuje sa 50,51% u ukupnoj bruto policiranoj premiji. Ukupna neto prenosna premija u samopridržaju iznosi 18.188.306KM.

<i>Vrsta osiguranja</i>	<i>Obračunata premija</i>	<i>Bruto prenosna premija iz sopstvenog portfelja</i>	<i>Udio reosiguranja u prenosnoj premiji</i>	<i>Ukupna neto prenosna premija u samopridržaju</i>
01	1.405.473	619.492	0	619.492
02	157.383	31.582	0	31.582
03	4.216.662	2.175.325	845.362	1.329.963
08	771.733	352.780	218.899	133.881
10	35.324.038	17.987.678	0	17.987.678
12	100	45	0	45
13	25.079	14.879	7.345	7.534
15	105.483	50.674	0	50.674
16	89.238	57.012	0	57.012
18	302.096	156.935	0	156.935
Ukupno	42.397.285	21.446.402	1.071.606	20.374.796

Obračun prenosne premije vrši se u skladu sa važećim propisima i mjerilima i u skladu sa načelima struke osiguranja i aktuarske struke.

c) Rezerve za bonuse i popuste

Rezerve za bonuse i popuste Društvo je formiralo se u visini od 9.500KM za pokrivanje obaveza koja proizilaze iz prava osiguranika po osnovu budućih popusta, ili povrata dijela premije za nepotrošeno vrijeme osiguranja zbog prijevremenog prestanka osiguranja (storno).

Ukupne tehničke rezerve koje čine sredstva Društva iznose 23.416.537KM. Imovina u koju su uložene tehničke rezerve su:

- a) Dionice s kojima se trguje na organizovanom tržištu vrijednosnih papira u BiH (4,90%)
- b) nekretnine u iznosu 9.366.616KM (40,00%), s tim da ulaganje u jednu nekretninu ne prelazi 20%,
- c) nenamjenski depoziti u bankama sa sjedištem u BiH u iznosu 5.800.000KM, a ulaganje u jednu banku nije prešlo više od 15% (27,36%),
- d) sredstva na računima Društva kod poslovnih banaka u iznosu 1.131.732KM (4,83%),

- e) razgraničeni troškovi pribave osiguranja izračunati u skladu sa podzakonskim aktima u iznosu 1.466.178KM (6,26%),
- f) ulaganja uz suglasnost Agencije za nadzor osiguranja FBiH u iznosu 4.503.702KM, što čini 19,23%, što je u skladu s Članom 35. Pravilnika o visini i načinu ulaganja sredstava. Društvo je dobilo suglasnost na prekoračenje ulaganja sredstava tehničke rezerve neživotnih osiguranja Rješenjem broj: 01.05.3-059-563-1/21 od 23.02.2021. godine.

Agencija za nadzor osiguranja FBiH je 10.11.2020. godine izdalo rješenje broj: 01-05.3-059.2808-5/20, kojim se naložilo Društvu da poveća rezervaciju za nastale i neprijavljene štete u odnosu na 31.12.2019. godine i to u minimalnom iznosu od:

- 400.000KM do 31.12.2020. godine i
- 600.000KM do 30.06.2021. godine.

Na 31.12.2020. godine Društvo je rezerve za nastale i neprijavljene štete povećalo za 420.773KM, sa 1.610.221KM na 2.030.994KM i tako ispunilo prvi dio zahtjeva.

4. Analiza stepena ažurnosti obrade i isplate šteta

Ocjena stepena ažurnosti obrade i isplate šteta izvršena je na osnovu podataka o rezervisanim štetama iz prethodne godine i o prijavljenim štetama i riješenim štetama u tekućoj 2020. godini.

Vrsta osiguranja	Broj rezervisanih šteta na dan 31.12.2019.	Broj prijavljenih šteta u periodu 01.01.-31.12.2020.	Broj obrađenih šteta u periodu 01.01.-31.12.2020.	Koeficijent ažurnosti
01	5	547	543	98,37%
02	4	290	294	100,00%
03	85	2.094	2.103	96,51%
08	2	77	73	92,41%
10	345	4.701	4.679	92,73%
13	2	1	2	66,67%
15	2	54	54	96,43%
16	0	22	22	100,00%
18	0	0	0	
Ukupno	445	7.786	7.770	94,40%

Cijenim da je stepen ažurnosti u rješavanju odštetnih zahtjeva veoma povoljan, malo ispod 95%, imajući u vidu strukturu odštetnih zahtjeva koja se uglavnom odnosi na osiguranje autoodgovornosti. Kod ovih odštetnih zahtjeva specifično je utvrđivanje pravnog osnova, odnosno obaveze osiguratelja, kao utvrđivanje visine nematerijalnih šteta, za koje je potrebno prikupiti relevantnu medicinsku dokumentaciju za utvrđivanje visine naknade.

5. Prikaz prosječnog vremenskog roka obrade šteta

<i>Vrsta osiguranja</i>	<i>prijava- obrada</i>	<i>obrada-isplata</i>	<i>prijava-isplata</i>
01	7	2	9
02	2	1	3
03	10	3	13
08	13	5	18
10	31	7	38
15	13	2	15
16	6	1	7
Ukupno	12	3	15

Za analizu je kao datum prijave uzet datum pribave posljednjeg dokumenta potrebnog za obradu štete.

6. Izvršavanje obaveza po štetama

U toku 2020.godine Društvo je obradilo 7.770 šteta, od toga 322 iz prethodne godine i 7.448 prijavljenih u tekućem obračunskom periodu. Za 6.884 šteta utvrđena je obaveza Društva u iznosu 14.306.618KM, dok su 886 odštetna zahtjeva ocijenjena kao neosnovana. Uvidom u bruto bilans na dan 31.12.2020. godine utvrđeno je da na grupi konta 4001, 4002, 4010,4011 i 4013 obaveze po osnovu šteta iznose 14.306.617KM s tim da se razlika od 1KM odnosi na zaokruživanje. Sve obrađene štete u 2020. godini su u cijelosti isplaćene. Ukupan iznos isplaćenih šteta u 2020. godini iznosi 14.306.617KM što je u bruto bilansu knjiženo na grupi konta 230 i 231, osim konta 23000002.

Na dan 31.12.2020. Društvo nema obrađenih neisplaćenih šteta.

7. Mjerodavni tehnički rezultat

Mjerodavni tehnički rezultat izračunat je po formuli:

$$\text{mjerodavni tehnički rezultat} = \text{mjerodavna tehnička premija} - \text{mjerodavne štete}$$

ili

$$\text{mjerodavni tehnički rezultat} = \text{mjerodavne štete} / \text{mjerodavna tehnička premija}$$

gdje je

$$\text{mjerodavna tehnička premija} = \text{tehnička premija tekuće godine} + \text{tehnička projenosna premija prethodne godine} - \text{tehnička prenosna premija naredne godine}$$

$$\text{mjerodavne štete} = \text{obaveze po obrađenim štetama tekuće godine} + \text{rezervisane štete na kraju godine} - \text{rezervisane štete prethodne godine} - \text{naplaćeni regresii.}$$

Bruto mjerodavni tehnički rezultat po vrstama osiguranja dat je tabelarno:

<i>Vrsta osiguranja</i>	<i>Mjerodavna tehnička premija</i>	<i>Mjerodavne štete</i>	<i>Mjerodavni tehnički rezultat - iznos</i>	<i>Mjerodavni tehnički rezultat (%)</i>
01	1.433.047	429.675	1.003.372	29,98
02	168.379	52.387	115.992	31,11
03	4.245.681	3.674.484	571.197	86,55
08	716.719	185.287	531.432	25,85
10	33.222.770	10.030.752	23.192.018	30,19
12	55		55	0,00
13	15.595	-2.500	18.095	-16,03
15	92.569	35.758	56.811	38,63
16	47.197	3.000	44.197	6,36
18	313.792	0	313.792	0,00
Ukupno	40.255.804	14.408.843	25.846.961	35,79

8. Likvidnost Društva na dan sastavljanja finansijskog izvještaja

Likvidnost Društva predstavljena je tabelom:

<i>Opis</i>	<i>31.12.2020.</i>
<i>Novčana sredstva na transakcionim računima</i>	1.859.217
<i>Novčana sredstva na deviznim računima</i>	129.854
<i>Novčana sredstva u blagajni</i>	0
<i>Depoziti po viđenju</i>	0
<i>Oročeni depoziti</i>	5.800.000
<i>Vrijednosni papiri koji se mogu trenutno unovčiti</i>	0
<i>Ukupna likvidna sredstva</i>	7.789.071
<i>Dospjele obaveze iz poslova osiguranja</i>	646.847
<i>Dospjele obaveze iz finansijskih aktivnosti</i>	0
<i>Ostale dospjele obaveze</i>	395.696
<i>Ostale obaveze koje dospijevaju u roku 5 dana od dana za koji se računa koeficijent likvidnosti</i>	415.072
<i>Ukupne dospjele obaveze</i>	1.447.615

Na dan 31.12.2020. godine Društvo ispunjava uslove zadovoljavajuće likvidnosti sa koeficijentom likvidnosti 5,38.

9. Likvidnost Društva u finansijskoj 2020. godini

Društvo je u skladu s Pravilnikom o likvidnosti vodilo dnevnu evidenciju o likvidnosti i uvidom u izvještaje L-M-F vidi se da je u sve dane 2020.godine Društvo imalo značajno više likvidnih sredstava od dospjelih obaveza. Na temelju svega toga može se zaključiti da je Društvo u stanju na vrijeme udovoljiti nastalim obavezama, odnosno konstatiram da je Društvo likvidno.

10. Politika reosiguranja Društva

Društvo provodi politiku reosiguranja prema ugovorima koje je zaključilo sa reosiguravajućom kućom Bosna Reosiguranje d.d. Sarajevo. Podjela reosiguranja izvršena je na kvotne, kvotno-eksedentne, XL/reosiguranje viška štete. Ovim ugovorima zadovoljila se potreba atomiziranja rizika i samim tim i raspodjela šteta ako bi nastupile, da Društvo ne bi došlo u situaciju da ugrozi svoju likvidnost, odnosno da plati više nego što može da podnese. Stvorila se i mogućnost neposrednog preuzimanja rizika i u slučaju kada obaveze prelaže vlastita sredstva Društva, jer mu tu razliku pokriva reosiguranje. Samopridržaj Društva i rizici predati u reosiguranje su usklađeni.

Reosiguranje je u suštini osiguranje osiguratelja i ono se odvija interno između osiguratelja i reosiguratelja. Pomoću reosiguranja osiguratelj povećava ukupni kapacitet preuzimanja rizika. Cilj reosiguranja nije zaštita osiguratelja u slučaju nižeg ostvarenog dohotka iz ulaganja sredstava od planiranoga ili pak od neočekivanog povećanja troškova, nego pokrivanje rizika iz sklopljenog ugovora o osiguranju. Međutim, ne postoji reosiguranje koje bi izravnog osiguratelja zaštitilo od svih mogućih odstupanja u veličini šteta u njegovu portfelju, jer pojedini oblik reosiguranja daje optimalnu zaštitu samo od određenih vrsta rizika.

Neto mjerodavni tehnički rezultat po vrstama osiguranja dat je tabelarno:

Vrsta osiguranja	Neto mjerodavna tehnička premija	Neto mjerodavne štete	Neto mjerodavni tehnički rezultat - iznos	Neto mjerodavni tehnički rezultat (%)
01	1.433.047	429.675	1.003.372	29,98
02	167.432	52.387	115.045	31,43
03	2.494.672	2.280.882	213.790	91,43
08	391.087	76.511	314.576	19,56
10	32.247.871	10.158.976	22.088.895	31,50
12	55		55	0,00
13	7.728	-1.250	8.978	-16,17
15	92.569	35.758	56.811	38,63
16	47.197	3.000	44.197	6,36

18	313.792	0	313.792	0,00
Ukupno	37.195.450	13.035.939	24.159.511	35,05

Društvo donosi Odluku o kriterijima, načinu utvrđivanja, tabeli maksimalnog samopridržaja i ukupnom iznosu samopridržaja. Visina vlastitog samopridržaja utvrđuje se na osnovu vrste portfelja, veličine rizika, visine ukupne premije, ostvarenih rezultata, visine kapitala, visine rezervi sigurnosti, te mogućnosti plasmana viška rizika na tržište reosiguranja.

Nivo samopridržaja je adekvatno određen kao i očekivani portfelj osiguranja i politika reosiguranja. Maksimalan iznos samopridržaja obezbjeđuje sigurnost i stabilnost u poslovanju Društva.

Kod vrsta osiguranja i/ili rizika koji se preuzimaju u osiguranje po vanstandardnim uslovima (za rizike za koje ne postoje utvrđeni uslovi i tarife premija), vlastiti samopridržaj se utvrđuje pojedinačno za svaki rizik, a višak se plasira u reosiguranje na fakultativnoj osnovi.

Društvo preuzima rizike u osiguranje do visine svojih ukupnih kapaciteta nošenja rizika (vlastiti kapaciteti plus reosiguranje plus eventualno saosiguranje), te vodi politiku raspodjele rizika kako bi trajno moglo izvršavati sve svoje obaveze.

VRSTA OSIG. U REOSIGURANJU		SAMOPRIDRŽAJ		UDIO REOSIGURAVAČA		LIMIT KVOTE	LIMIT EXCEDENT A	OSNOV DISTRIB RIZIKA	LIMIT UGOVORA
ŠIFRA	NAZIV	IZNOS	%	IZNOS	%	IZNOS	IZNOS	SO ili PML	IZNOS
03. a	Auto Kasko	120.000	60	80.000	40	200.000	-	SO	200.000
03. b		187.500	25	562.500	75	750.000	-	SO	750.000
08.01	Požar	400.000	50	400.000	50	800.000	8.000.000	PML	8.800.000
08.03	Zemljotres	600.000	7,50	7.400.000	92,50	8.000.000	-	SO	8.000.000
08.99	All Risk	400.000	50	400.000	50	800.000	8.000.000	PML	8.800.000
10.01	AO - domaća (XL/ ugovor) - 1 ler	195.583	-	2.204.416	-	-	-	-	-
10.01*	MZK - 3 LER-a	391.166	-	EXC PRIORITET	-	-	-	-	-
13.	Odgovornost	250.000	50	250.000	50	500.000	-	SO	500.000
16.01	Šomaž-požar	200.000	50	200.000	50	400.000	4.000.000	SO	4.400.000
16.06	Zemljotres-šomaž	300.000	7,50	3.700.000	92,50	4.000.000	-	SO	4.000.000

*Sa stanovišta aktuarske struke, ocijena i preporuka iznijetih u posebnom dijelu mišljenja, daje se **POZITIVNO MIŠLJENJE** ovlaštenog aktuara na godišnji finansijski izvještaj neživotnih osiguranja za finansijsku 2020. godinu, dioničkog društva Central osiguranje d.d.*

Navedene veličine su u skladu s Zakonom, propisima donijetim na osnovu Zakona i drugim propisima kojima se uređuje djelatnost osiguranja, kao i ekonomskim načelima, pravilima struke osiguranja, te osiguravaju očuvanje vrijednosti imovine i garantuju trajnu stabilnost i solventnost u poslovanju i osiguravaju trenutnu likvidnost u izvršavanju obaveza Društva.

Sarajevo, 10.03.2021. godine

Ovlašteni aktuar

Suada Alić - Mšanović

